



ТОШКЕНТ О'QUYOMI

Газета 1966 йил 1 июлдан чиқа бошлаган ◆ № 128 (9.625) 2001 йил 2 ноябрь, жума ◆ Сотувда эркин нарқда

XXI asr
Барча маълумотлар
олинган сўнгги хабарлар

Мамлакатимизда

● Ўзбекистон Республикаси Президенти Ислам Каримов Оқсаройда Европа Иттифоқи (ЕИ) Вазирлар Кенгашининг амалдаги раиси, Бельгия Бош вазирининг ўринбосари ва ташқи ишлар вазирининг Луи Мишельни қабул қилди.

● Ўзбекистон ташқи ишлар вазирининг А. Комилов Европа Иттифоқи делегацияси аъзолари билан учрашди. Мехмонлар шу кунни Ташқи иқтисодий алоқалар вазирлигида ҳам бўлди.

● **Кеча** Олий Мажлисида Олий Мажлисининг Қонунчилик ва суд-ҳуқуқ масалалари қўмитаси ҳамда Олий Мажлис ҳузуридаги Амалдаги қонун ҳужжатлари мониторинги институти ташаббуси билан «Ўзбекистонда жиноий жазоларнинг либераллаштирилиши — суд-ҳуқуқ ислохотларида муҳим босқич» деган мавзуда халқаро конференция бўлиб ўтди.

● Ўзбекистон Республикаси Олий Мажлисининг Оила ва аёллар муаммолари комиссияси ташаббуси, республика Ички ишлар вазирлиги ҳамда Жиззах вилояти ҳокимлиги ҳамкорлигида уюштирилган семинар-кенгаш «Боғга етмаган ёшлар томонидан содир этилаётган қонунбузарлик ва жиноятларнинг олдини олиш масалалари»га бағишланди.

● Кичик ва хусусий тадбиркорликни ривожлантиришни рағбатлантириш бўйича республика мувофиқлаштирувчи кенгашининг навбатдаги мажлиси бўлди.

● Фан ва техника давлат қўмитасида «Халқ ҳужалигининг турли тармоқлари учун маҳаллий ҳомашдан экспорт ва импорт ўрнини босувчи маҳсулотлар ишлаб чиқаришнинг экологик хавфсиз технологиялари» мавзусидаги давлат илмий-техникавий дастури доирасидаги тадқиқотлар натижалари бўйича доимий семинарнинг навбатдаги йиғилиши бўлди.

Жаҳонда

● **Бугун** Венада терроризмга қарши кураш бўйича биринчи халқаро симпозиум очилди.

● **Кеча** Ашгабадда Туркманистон Президенти С. Ниязов Бельгия ташқи ишлар вазирининг, Европа Иттифоқи Вазирлар Кенгашининг амалдаги раиси Л. Мишель билан учрашди. Томонлар жаҳондаги сиёсий моҳорлар ва Афғонистонга инсонпарварлик ёрдами кўрсатиш хусусида суҳбатлашдилар. Ҳудди шундай учрашув Душанбеда Тожикистон Президенти И. Раҳмонов ва Л. Мишель ўртасида ҳам бўлиб ўтди.

● **Бугун** Руминия Президенти И. Илиескунинг Ереванга сафари низоҳасида етди.

● Россияда Бош прокурор В. Устинов бошчилигида ҳалокатга учраган «Курск» сувоисти атом кемаси фожiasi сабабларини аниқлаш ишлари давом этмоқда. Ҳалокат сабаби аниқланмаган бўлса да, ҳозирча кема бошқа бир сувоисти сабаби билан тўқнашган, деган тахмин устун келмоқда.

● **Кеча** Грузия Президентини Э. Шеварднадзе ҳукумати истеъфода чиқарди. Тбилиси митингининг мингга яқин катнашчилари президентнинг ўзини ҳам истеъфода чиқишини талаб қилдилар.

● **Кеча** CNN телекомпанияси Оқ уй мулозимлари яқин кунлар ичида Афғонистон ҳудудига янги микёсдаги ҳарбийлар жўнатиш режасида эканлигини маълум қилди.

● **Кеча** Туркия ҳукумати мулозимлари Афғонистонда олиб борилаётган асирларнинг амалиятлари учун махсус тайёргарликдан ўтган 90 нафар десантчини жўнатишга қарор қилди.

● Исроил бош вазирини А. Шарон қайтадан фалястинликлар билан музокара бошлаш мумкинлигини маълум қилди. Фақат бунга муносиб шароит яратилиши, яъни фалястинликлар исроилликларга қарши қуролли ҳужумларни тўхтатиши лозим.

● **Кеча** айтини масалада Буюк Британия Бош вазирини Тони Блэр билан Ариэл Шарон ўртасида юзма-юз мулоқот бўлиб ўтди.


Ўзбекистон Республикаси Вазирлар Маҳкамасининг ҚАРОРИ

Ижтимоий аҳамиятга эга бўлган истеъмол товарлари билан савдо қилишни тартибга солишга доир қўшимча чора-тадбирлар тўғрисида

Ижтимоий аҳамиятга эга бўлган айрим истеъмол товарлари нархларининг сунъий ошириб юборилишига йўл қўймаслик, шунингдек, уларни республика ташқарисига ноқонуний олиб чиқиш кетиш ҳолларини бартараф этиш мақсадида Вазирлар Маҳкамаси қарор қилади:

1. Белгилансинки, 2001 йил 1 ноябрдан бошлаб четдан келтириладиган ва республикада ишлаб чиқариладиган ун, ўсимлик ёғи ва қанд-шакарни сотиш фақат юридик шахслар томонидан шартномавий нархлар бўйича, воситачилар сонидан қатъи назар, қўли билан 25 фоиз миқдорда белгиланган чекланган савдо устамаси қўлланган ҳолда амалга оширилади.
- Ўзбекистон Республикаси Молия вазирлиги Монополиядан чиқариш ва рақобатни ривожлантириш давлат қўмитаси, Давлат солиқ қўмитаси билан биргаликда савдо ташкилотлари томонидан ижтимоий аҳамиятга эга бўлган истеъмол товарларининг кўрсатиб ўтилган турларига чекланган савдо устамаларини қўлланш тартибни тўғрисидаги низоми шунининг 1 нобригача ишлаб чиқсин ва белгиланган тартибда тасдиқласин.
- Ўзбекистон Республикаси Давлат солиқ қўмитаси Молия вазирлиги ҳамда Монополиядан чиқариш ва рақобатни ривожлантириш давлат қўмитаси билан биргаликда савдо корхоналари томонидан қўндалик эҳтиёж истеъмол товарлари нархларини шакллантиришнинг белгиланган тартибига риоя қилиниши устидан қатъий назоратни таъминласин;
- қўндалик эҳтиёж истеъмол товарлари нархларининг асоссиз равишда ошириб юборилишига уринишларга йўл қўймаслик ва уларнинг олдини олиш бўйича зарур чора-тадбирларни кўрсин, қонун бузувчиларга нисбатан амалдаги қонун ҳужжатларига мувофиқ иқтисодий ҳазо чораларини қўлласин.
- 2001 йил 1 ноябрдан бошлаб:
- Ўзбекистон Республикаси ҳудудига келтириладиган ўсимлик ёғига акция солиғи ставкалари унинг божхона қийматининг 10 фоиз миқдориди;
- республика ҳудудига жисмоний шахслар («ўзлари қатнаб олиб келадиганлар») томонидан келтириладиган тижорат фаолияти учун мўлжалланган озиқ-овқат товарларидан, шу жумладан, Ўзбекистон Республикаси ташқарисидан жисмоний шахслар номига келадиган товарлардан (халқаро почта хўналаридан ташқари) олингандаги йиғим ставкалари, бож тўловисиз келтиришнинг белгиланган нормасини қўллагасдан, уларнинг божхона қийматининг 25 фоиз миқдориди белгилансин;
- республика ҳудудига жисмоний шахслар («ўзлари қатнаб олиб келадиганлар») томонидан тижорат мақсадларида бож тўловисиз келтиришнинг белгиланган нормасини доирасида 1000 АҚШ долларига миқдорда келтириладиган унни божхонада расмийлаштириш

Вазирлар Маҳкамасининг Раиси
Тошкент шаҳри, 2001 йил 31 октябрь.
И. КАРИМОВ



Шаҳримизнинг кун сайин обод ва қўрқам бўлиб боришда қурувчиларнинг ҳиссаси катта бўлган. Улар томонидан бунёд этилаётган қўрқам бинолар пойтахт ҳуснига ҳусн қўшмоқда.

СУРАТДА: узоқ йиллардан бери турли қурилишларда фаол қатнашиб ўз касбини эъзозлаб келадиган пешқадам қурувчи Даврон Полвоновни қўриб турибсиз.

Тоҳир Нигматуллин олган сурат.

АНЖУМАН

Ватан ягонадир, Ватан биттадир

Сентябрь ойида АҚШда бўлиб ўтган портлашлар бутун дунёни ларзага солди. Хатто «Биз ҳар қандай хавф-хатардан ҳолимиз» деб ўйловчиларнинг ҳам кўзини очиб қўйди. Энг муҳими, бутун инсоният бу хавфли қора қучларга қарши биргаликда курашмоқдан ўзга чора йўқ эканлигини тушуниб етди. Шу тарика дунё халқларида терроризмга нисбатан муайян бир позиция шаклланди.

Бугун қаерда бўлсанг, қайси анжуманда иштирок этманг, гап тинчликни асраш учун курашиш кераклиги, бу масалада биронта ҳам одам четда турмаслиги лозимлиги хусусида боради. Кўнги кеча Ўзбекистон Миллий университети маданият саройида тўпланган талабалар ҳам ана шу ҳақда батафсил суҳбатлашдилар.

Ёзувчилар уюшмаси томонидан ташкил этилган ва «Ватан ягонадир, Ватан биттадир» шиори остида ўтказилган ушбу учрашув ёшлар хотирасида умрбод муҳрланиб қоладиган бўлди. Анжуманда катнашган халқимизнинг семимли шoirлари Эркин Воҳидов, Ҳалима Худойбердиева, Омон Матчон, Ойдин Хожиева, Сирожиддин Саййид, Усмон Азим, Иқбол Мирзо, Азим Суюнлар ўзларининг ўй-фикрлари ва янги шеърлари билан анжумани янада мароқли ўтишига ҳисса қўшдилар.

Учрашувни Ўзбекистон Қаҳрамони, халқ шoirи Абдулла Орипов олиб борди. У Ўзбекистон деган жаннатмакон юртни севиш ва ҳар қандай бало-қазолардан асраш ҳар бир ўзбекистонликнинг муқаддас бурчи эканлиги ҳақида тўхталиб ўтди. Бугунги кунда талаба ёшларга «Терроризм» деган қабзахат моҳиятини тўғри тушутириш ва оғоҳлик туйғусини қўчайтириш эртанги кун ҳамда келажакни асраш демакдир. Чунки ёшлар — бизнинг келажак ворисларимиз бўлиб, биздан кейин йўлимизни ва ишимизни давом эттиргувчи авлоддир.

Учрашув қатнашчилари — талаба ёшлар бугун ўзларини безовта қилаётган терроризм ҳақида фикр-мулоҳазаларини билдиришиб, шу она-Ватан барчамиз учун азиз гўша эканлигини чин дилдан изҳор этдилар.

ҚИСКА

□ **ОНАЛАР** ва болалар йили муносабати билан халқаро ЭКОСАН жағрамасида 23 ноябрда ўтказилиши мўлжалланган «Еш оналар» кўрик-танловининг Республика босқичига тайёргарлик қириш масаласи муҳокама этилди.

□ **ЭРТАГА** шаҳримиздаги «Карвонбоз»нинг Маънавият ва маърифат хонасида Акмал Икромов туман ҳокимлиги ташаббуси билан «Миллий истиқлол ғояси: асосий тушунча ва тамойиллар» мавзусида тадбир бўлади.

□ **ШАҲРИМИЗДАГИ** компьютер ва касб-ҳунар коллежида Ҳамза туман Маънавият ва маърифат маркази ташаббуси билан ўтказилган семинар «Миллий истиқлол ғояси. Назария ва амалиёт» деб номланди.

□ **ШАЙХОНТОХУР** туманидаги сув иншоотлари божқармасида бўлиб ўтган «Тинчлик учун курашмоқ керак» мавзусидаги тадбир туман ҳокимлиги ташаббуси билан уюштирилди.

□ **ЖАҲОН** иқтисодиёти ва дипломатия университетида талабалар иштирокида ўтказилган тадбир «Информация ҳуруж ва унга қарши кураш усуллари» деб номланди.

□ **ТОШКЕНТ** Давлат юридик институтида бўлиб ўтган тадбирда иштирок этган талабалар Афғонистонда террорчиларга қарши жаҳон ҳамжамияти томонидан олиб борилаётган кураш мавзуси атрафида кенг фикр юритдилар.

□ **ПОЙТАХТИМИЗДАГИ** Механика ва иншоотлар сейсмиқ институтида уч кун мобайнида «Механика ташаббуси билан ўтказилган семинар» мавзусида илмий-амалий анжуман ўтказилди.

□ **ШАҲРИМИЗДА** фаолият олиб бораётган Япон марказида кичик ва ўрта бизнесни ривожлантириш мақсадида математика, маркетинг йўналишларини пухта ўргатишга мўлжалланган ўқув курси ташкил этилди. Ушбу курсга қабул қилиш ноябрнинг ўрталаридан бошланади.

□ **ЎТган** йили 600 миллион сўмлик махсулот ишлаб чиқарган шаҳримиздаги «Сувмаш» жамоаси очик турдаги акциядорлик жамоасига айлантирилган, жорий йилнинг шу кунгача 1 миллиард 300 минг сўмлик махсулот ишлаб чиқаришга эришди.

□ **ЎТган** кунни Тошкент Бизнес клубида тадбиркорлар иштирокида бўлиб ўтган «Кичик ва ўрта бизнесни ривожлантиришда оммавий ахборот воситаларининг роли» мавзусидаги давра суҳбати Тошкент Бизнес маркази ташаббуси билан уюштирилди.




Палата томонидан уюштирилган семинар-кенгаш ҳам ана шундай ишларнинг бир кўринишидир. Унда иштирок этган барча тадбиркорлар ўзларини қизиқтирган саволларга мутахассислардан керакли ва аниқ жавоблар олишди. Шу билан бир вақтда ушбу тадбир иштирокчилари туманда фаолият кўрсатаётган кичик ва ўрта бизнес корхоналари, кўли гул хунармандларнинг меҳнат маҳсулидан ташкил топган кўргазмани томоша қилиб, тадбиркорларнинг амалга ошираётган ишлари билан танишиб катта таассурот олишди.

Дилноза ГИЁСОВА

СУРАТЛАРДА: кўргазма залидаги стенд кўпчилида қизиқиш уйғотди; «Керамика-куёш» кичик корхонаси маҳсулотлари.

Тоҳир Нигматуллин олган суратлар.



ТАДБИРКОРЛИК

Саволларга аниқ жавоблар олинди

Юнусобод тумани Товар ишлаб чиқарувчилар ва тадбиркорлар палатаси томонидан кичик ва ўрта бизнес вакиллари хусусий тадбиркорлар учун семинар-кенгаш ташкил этилди. Унда «Бизнес-фонд»нинг шаҳар бошқармаси, Марказий Банкнинг шаҳар бўлими, адлия ва божхона бошқармалари мутахассислари иштирок этишди.

Семинар-кенгашда кичик ва ўрта бизнес корхоналарини рўйхатга олишдаги янги тартиблар, уларни молиявий қўллаб-қувватлаш ҳамда материал техник таъминлашдаги қўшимча чора-тадбирлар, божхона имтиёзлари ва бошқа масалалар асосий ўринни эгаллади. Албатта, туман Товар ишлаб чиқарувчилар ва тадбиркорлар палатаси ҳар бир тадбиркорни қўллаб-қувват-

лашга, уларга ёрдам беришга интиломда. Палатага мурожаат қилган тадбиркор керак бўлганда ҳуқуқшунос, адвокат маслаҳатларини олиши йўлга қўйилган. Шу билан бирга палата мутахассислари ҳисобчиларни махсус курсларда малака оширишларини таклиф этишади, керакли ҳужжатларни тайёрлашда яқиндан кўмаклашади. Бу эса туманда тадбиркорлар сафининг кенгайишида муҳим ҳисса бўлмоқда.

Мақсад — БАНДЛИК ИЖТИМОЙ ҲИМОЯ

Шаҳримиз аҳолисини иш билан таъминлаш ва ижтимоий ҳимоя қилишда туманларда жойлашган меҳнат бўлимларининг ҳиссаси катта бўлмоқда. Биз бу борада Чилонзор туманида қилинаётган ишлар билан яқиндан танишдик.

Хусусан шу йилнинг июль ойигача 1292 нафар фуқаро иш қидириб туман меҳнат бўлимига мурожаат қилган. Шулардан 1105 нафари иш билан таъминланиб 201 нафари қайта касбга ўқиш учун юборилган. Шу билан бирга аҳолини ижтимоий ҳимоя қилиш мақсадида сўнгги 7 ой давомида 342 нафар фуқарога ишсизлик мақоми берилиб, 256 нафарига ишсизлик нафақаси тайинланган.

— Ҳа, дарҳақиқат, аҳолининг ижтимоий ҳимояга муҳтож, иш топишда қийналадиган ва меҳнат бозорига тенг рақобатлашишга қодир бўлмаган шахсларни ишга жойлаштириш мақсадида туманда жойлашган 81 корхонада 1700 та энг кам миқдордаги махсус ишчи жойлари белгиланди, — деди туман меҳнат бўлими раҳбари Нуршод Гиёсов. — Бу махсус иш жойларига 7 ойда 45 нафар фуқаро ишга жойлаштирилди. Шулардан 3 нафари ногирон, 6 нафари эса жазо муддатини ўтаб чиққан шахслардир.

Бугунги кунда жами бўлиб 954 та бўш иш ўринлари ва вақант лавозимлари мавжуд.

Меҳнат муносабатлари ва меҳнатга ҳақ тўлаш бўйича Марказий банкнинг шаҳар бўлими томонидан берилган маълумотга кўра туманда 43 та корхона иш ҳақи бўйича муддати ўтган

қарздорликка эга бўлиб, унинг умумий миқдори биринчи август ҳолати билан 480700 миллион сўмни ташкил этди. Муддати ўтган иш ҳақи қарздорлигига йўл қўйган 122 та корхона Чилонзор тумани ҳокимлигининг комиссияси йиғилишида қўриб чиқилган. Шунингдек иккита корхона бўйича маълумот туман прокуратурасига чора қўриш учун юборилди. Шу баробари 22 та корхона раҳбаридан муддати ўтган иш ҳақи қарздорлигига йўл қўйганлиги учун 247450 минг сўм ундириб олинган.

2001 йилнинг Оналар ва болалар йили деб эълон қилинганлиги муносабати билан ўтган ойлар мобайнида хотин-қизларни ишга жойлаштириш мақсадида бўш ўринлари бўлган корхона, ташкилот раҳбарлари маҳалла хотин-қизлар комиссиялари раислари билан мулоқот-учрашувлар ташкил этиб борилмоқда. Жумладан Наққошлик, Дўмбробод, Лутфий, Хайробод, Олмазор маҳаллаларида ана шундай тадбирлар ўтказилди. Болали оилаларни давлат томонидан ижтимоий ҳимоя қилиш юзасидан сўнгги 7 ой давомида жами 2578 та ариза тушган бўлиб улардан 2314 та оилага болалар нафақаси тайинланди.

Очил ҲАЗРАТОВ

Чиндан ҳам шундай, қадрли «Оқшом» муштарийлари. Шу кунларда ўзингиз севиб ўқийдиган «Тошкент оқшоми» газетасига 2002 йил учун обуна давом этмоқда. Бинобарин, у сизга ҳар доим ҳам энг яқин ҳамдам,

«Оқшом» — доимий ҳамроҳингиз, дилкаш суҳбатдошингиз

ҳамфикр ва маслаҳатгўй бўлиб келган. Бунини шу кунларда таҳририятга йўллаётган дил сўзларингиздан ҳам билиш мумкин. Газетага бўлган меҳр-муҳаббатингиз, садоқатингиз учун сизларга самимий ташаккур билдирган ҳолда, шу кунларда пойтахтимизнинг барча алоқа бўлимларида газетага обуна расмийлаштирилаётганлигини яна



ОБУНА-2002

бир бор эслатиб ўтамыз.

«Тошкент оқшоми» келгуси йилда ҳам мамлакатимизда, унинг пойтахтида, жаҳонда рўй бераётган энг сўнгги янгилик-

ларни тезкор усудда ёритади, ўзингиз севиб ўқийдиган рангбаранг мавзудаги мақолалар газета саҳифаларидан мунтазам ўрин олади. Шундай экан, вақтни бой бермай сеvimли газетангизга обуна бўлишга шошиллинг. Шундай қилсангиз 2002 йилнинг дастлабки кунидан бошлаб «Оқшом» хонадонингизга ўзи кириб боради.

ОБОДОНЛАШТИРИШ ОЙЛИГИ

Уюшқоқлик билан ўтмоқда

Пойтахтимизда барқ уриб ўсиб ётган дов-дарактлар, гул-гул турли ўсимликлар унинг ҳуснига янада кўрк бағишлайди. Лекин бу нав-ниҳолларга вақтида қараб турилмаса, бошқача кўриниш олиши мумкин. Шунингдек, фасллар алмашувида қайсидир ўсимликларнинг вақти етиб қуриб қолади, дарактларнинг эса барглари ерга тўкилади. Ана шундай пайтлари, ҳар мавсум Тошкент шаҳар ҳокимининг қарори билан шаҳримиз ҳудудидан ободонлаштириш, кўкаламзорлаштириш ва шаҳар ҳудудини санитария ҳолатини яхшилаш бўйича ободонлаштириш ойлиги ўтказилади.

Шаҳримизда шундай тадбир давом этаётган айни дамларда барча кўчаларнинг атрофлари, ариқ ва зовурлар тозаланиб, барглари йиғиб, кўчатлар ўтказилмоқда.

— Бу ойликда бизнинг бошқармаимиз ишчи ва хизматчилари ҳам сидқидилдан ўз вазифаларини адо этишга киришди, — деди Мирзо Улуғбек тумани ободонлаштириш бошқармаси бошлиқ ўринбосари Искандар Аслонов. — Хабарингиз бор туманимиз ҳудудидан янги ҳалқа

йўли ўтган. Асосан шу йўл атрофларига янги гул ва даракт кўчатлари экишимиз керак. Бугунги кунда Буюк Ипак йўли, Пушкин, Ҳабиб Абдуллаев, Султоний, Файзулла Ҳўжаев, Содиқ Азимов кўчаларидаги ариқлар тозаланиб, дарактларнинг барглари йиғиб, уларга шакл бериш ишлари олиб бориляпти. Бу ишларга нафақат бизнинг ходимларгина эмас, балки туманимизда жойлашган корхона ва ташкилотлар, маҳаллалар ҳам жалб этилган. Улар ўзларига тааллуқли бўлган ҳудудларда ана шундай кўкаламзорлаштириш ва тозалаш ишларини олиб боришляпти. Шу билан бирга кўчалардаги тозалikka ҳам катта эътибор қаратилган. Ахлат уюмлари барглари билан биргаликда тозаланиб махсус чуқурларга ташланмоқда. Шунингдек, экилаётган нав-ниҳолларга эҳтиёт бўлиш, ҳазонларни ёқмаслик ҳақида тушунтириш ишларини олиб бормоқдамиз.

Насиб этса ишларимизни ана шундай кўтаринки кайфиятда давом эттириб, ойликни муваффақиятли аяқлаймиз.

Одил ҲАСАНОВ

Магистратура босқичи

Республика халқ ҳўжалиги учун мутахассис илмий кадрларни тайёрлашда магистратура босқичи муҳим аҳамиятга эга. Шу сабабли ҳам Тошкент Давлат авиация институтидида масаланинг бу томонига алоҳида эътибор қаратилмоқда.

Икки йиллик таҳсил давомида магистрлар «Педагогика», «Техника фанлари ўқитиш услуби» каби билимларни пухта ўзлаштириш билан бирга бево-сита корхоналарида ишлаб чиқариш қўнимчаларини оширмоқдалар.

Ҳозир магистрларнинг бир гуруҳи Чкалов номидаги Тошкент авиация ишлаб чиқариш бирлашмасида ўз фаолиятларини давом эттирмоқда. Айни вақтда «Ўзбекистон ҳаво йўллари» Миллий авиакомпания ҳам улар учун ишлаб чиқариш корхонаси вазифини ўтмоқда.

Бундан ташқари «Талабалар конструкторлик бюроси»да ҳам амалий-техник изланишлар олиб борилмоқда. «Авиация тармоғи менежменти», «Учиш аппаратлари электрожиҳозлари» кафедраларида ҳам қулай шарт-шароитлар яратиб берилди.

Ақбар АЛИЕВ

ОЛТИНЧИ ГУЛШАН

(Давоми).

Кўшқ қурилиб ажойиб манзара кашф этди. Унинг тўрт томонида тўрт дарича, деворлари турли-туман гуллар ўрнатилган биллурдан асалган, деворнинг ичкариёси ташкариёси дуррлар билан безалган. Мусавирлар деворга неча турли расмлар чи-зиб, бир-бирига уйғунлаштирганлар. Кўшқнинг бўйи фалак билан тенглашарди. Бу маскан парилар макони ўхшарди. Зеро, бу макон шох кизига ошён эди. Зотан, маликани қиёнада кўрган киши, маликани тўлин ойга, қанзақларини хулқарга (юлдузлар туркуми) қиёс қиларди. Кунлардан бир кун малика ўз қанзақлари билан бирга кўшқ айвонига чиқиб атрофни то-моша қиларди. Айни шу аснода шаҳар кўчаларида жарчилар жар солиб, катта-кичик барчани шох қасрига боришга фармон бўлганлиги ҳақида хабар қилардилар. Бу хабарни эшитган барча шаҳар аҳолиси подшоҳ саройи томон оқиб келарди. Малика эса зару зеворга безаниб, одамларни назардан ўтказарди, аммо улардан ҳеч бирини ўзига муносиб кўрмас эди.

Шу аснода Хуршид от ва тўн олмоқ учун бозорга келиб эди. Кўшқ атрофига йиғилган одамларни кўриб, тамошо талабида девор устига чиқиб кўшқ томон назар солди. Баногоҳ малика-нинг кўзи Хуршидга тушди, Малика Хуршидни кўри-ю хуши бошидан учди. Назарида бир лаҳза яшин чакнади-ю машриқдан кўёш кўрингандай бўлди. Малика қалбида ишқ ўти аланга олиб, Хуршиднинг дарҳол келтиришни амр қилди. Мулозимлар Хуршиднинг дод-фарёдига қарамай, уни оқ кигизга солиб олиб келдилар. У кўзини очиб ўзини шох ҳарамиди кўрди, бироқ нима бўлаётганини билмасди. Назимлар Хуршидга шохона ли-бослар кийдириб, олдида турли-туман нозу неъматлар қўйиб, хизматга қойиб бўлдилар.

Шох барча аъёнларни йиғиб, тўй асбобини муҳайё қилди ва қози никоҳ кутбасини ўқиди. Икки моҳваши никоҳ этиб, гўё тўлин ойга кўёшни қўшдилар. Барча катта-кичик мамнун бўлди-лар. Хуршид Моҳбону билан айш-ишратга машғул бўлиб, Ато-рудни ҳаёлидан фаромуш қилди.

Уша кун Хуршид бозорга кетиб, қайтиб келмагач, Аторуд бо-да икки кун Хуршидни кутди. Хуршиднинг бошига тушган во-қеалардан беҳабар эди. Шу боис у Хуршидни аҳоли не кечди кхон деб, уни эшикма-эшик юриб қидира бошлади. Юриб-юриб ниҳоят бир лўлининг қулбасига кирди. Лўли афсунгар фолбин бўлиб, қўлида рубоби ҳам бор эди. Агар у афсун ўқиб сеҳр қилса ҳатто Масиҳо ҳам Махжунга айланарди. Агар нағмасини соғлаб чала бошласа ўлиқлар ҳам кўш қаби парвоз қила бош-ларди. Агар унинг жамолини фаришта кўргудек бўлса, исён майи билан таъминланарди. Лўли шу кўни малика ҳузурида ажойиб нағма навозлик билан хангомалар кўрсатиб, ададсиз инъомлар олиб уйига қайтиб келаётган эди. Эшиги олдида Аторудга дуч келиб, ўзини кўрмаганга солиб ўйига кириб кетди. Аторуд лўли-нинг хўсн-жамолига ошуфта бўлиб, хушидан кетиб йиқилади. Аторуд хушига келгач, лўлининг жамолини яна бир марта кўриш иштиёқида дарвозага тикилганча махлиё бўлиб ўтирарди.

Лўли ўз хизматкориға буюрди: дарвоза қаршисида ўтирган бенавога бориб, мени сўзимни унга етказ! Агар васл орузида бўлса, васл баҳон эси динор дегин! Агар қабул қилса шабистон-мига олиб кел, вагарна кетмоққа тараддуд қилсун деди. Ато-руд хизматкордан бу сўзни эшитгач, унинг қўлига юз динорни тутказиб, лўлининг шабистонига қараб юрди. Аторуд бир неча кун лўли билан машаққат қилди. Лўлининг тасаввурида Аторуд бир гарибу нотавон бўлиб гавдаланарди. У ўзича ўйларди, бу йиғит ҳар кеча шабистонимда ётади. Аммо ҳар кун юз динорни қаердан оларкин?

Лўлининг ҳовлиси катта даргоҳ бўлиб, эшигининг ёнидан катта анҳор оқарди. Аторуд ҳар эрта тонгда туриб таҳорат қилиб, иба-дат қиларди. Ибодатдан сўнг ўз-ўзига надомат қилиб, кўзини ёшларди. Кунлардан бир кун лўли бир пана жойга беркиниб Аторуднинг ҳалди-ҳаракатини кузатди. Аторуд халқумини (то-моғини) қоқди, унинг оғзидан бир устихон (суяк) тушди, унинг ичиди дурр-жавоҳир пинҳон эди. Аторуд устихон ичидан дур-рни олиб, устихонни яна оғзига солди. Бу ҳодисани узоқдан лўли кўриб турарди. Бинобарин, бу сир энди шу ерда ошқор бўлганди. Лўли устихонни қўлга кириштиш учун тунги базми авжига чикарди. Базм аро лўли ноз-қарашмалар қилиб Аторуд-га бир-икки пиёла майни ортиқча суниб, уни мастлик чоғига йиқитди. Аторуд қайт қилиб, қайт билан устихон ҳам бирга туш-ди. Лўли устихон билан дуррни қўлига олиб, устихонни дарҳ-ол оғзига солди.

Аторуд мастликдан хушёр тортиб, таҳорат олмоқ учун анҳор-га борди. У халқумини ҳарчанд қокса-да, аммо ҳеч нарса туш-мади. Шундан сўнг кечаги базмда бўлганидан кўп надоматлар қилиб, ўз-ўзини маломат қиларди. У бу кечани ҳам лўли билан ўтказмакчи эди. Аммо, дурр-жавоҳир онаси бўлмиш устихон гоёиб бўлди. Аммо, Аторуднинг кўнглида бу кеча ҳам лўли би-лан бирга бўлиш ҳаёли бор эди. Бироқ, лўли Аторудга деди-ким, — мендан кўнглингни узиб, бу ердан кетгил! Киши дилра-болардан ҳамма вақт ҳам вафо кўравермайди. Агар сен мунда юрсанг, бу ерга ҳеч ким келмай қўяди. Бу сўздан Аторуд қаттиқ хафа бўлиб, ҳижрон азобида зору гирён бўлиб йўлга тушди. Аторуд бу ишлардан оғир мусибатга учраб, бу жойдан кетмоққа жазм қилди ва йўлга чиқиб бошқа вилоят томон кетди.

Аторуд бир неча шаҳар ва тоғу даштларни сайр этиб, гарибчиқ алами зиёда бўлди. У суръат билан йўл юрарди. Баногоҳ узоқдан бир улғу тоғ кўрунди. У яқин бориб кўрди-ки, бу ажиб бир тоғ экандир, унда на сув, на мева ва на қори бордур. Тоғ жуда баланд ва баҳайбат бўлиб, фақат уқкию қузғинларга макон эди.

Тургун ФАЙЗИЕВ тайёрлаган.

(Давоми бор).

Мустақиллик йилларида Президент Ислам Каримов раҳ-намолигида Ўзбекистонда спортни, хусусан, теннисни ривожлантиришга алоҳида эътибор қаратилаётган. Бунинг натижаси ўларок, қисқа вақт ичида мамлакатимизнинг ша-ҳар ва қишлоқларида жаҳон талабларига жавоб бера ола-диган теннис кортлари қурил-ди, халқимиз орасида бу спорт турига ихлос қўйганлар сони эса тобора ортиб бормоқда.

хоратини ошириб бормоқда. Жорий йилда эса юртимиз-даги мусобақалар тақвими-га яна бир ажойиб турнир — тен-нис бўйича Ўзбекистон кубо-ғи қўшилди. Президент Ислам Каримов ташаббуси билан ташкил этилган ушбу мусоба-қада барча вилоятлар, Тош-кент шаҳри ва Қорақалпоғис-тон Республикасида жами 14 жамоа иштирок этди. Ўзбекистон кубоғи тўрт бо-сқичда ўтказилди. Биринчи

ЎЗБЕКИСТОН СПОРТИДА ЯНГИ МИЛЛИЙ ТУРНИР

Теннисчи қизимиз Ирода Тулаганованинг жаҳоннинг куч-ли ракетка усталари рейтинг жаҳвалида йигирманчи пого-нага кўтарилгани барчамизни хушнуд этди.

Мамлакатимизда ўтказилаёт-ган «Президент кубоғи» ва «Тош-кент опен» халқро мусобақала-рига дунёнинг кўзга кўринган ракетка усталари мунтазам ра-вишда ташриф буюряпти. Мам-лакатимизга келаётган М. Са-фин, Е. Кафельников, М. Россе, Н. Кифер, Д. Хрбаты сингари теннис юлдузлари иштироки-даги ўйинларни бевосита томо-ша қилаётган ёшларимиз қалби-да ушбу спорт турига меҳр уй-ғонмоқда. Кўпала вилоятлари-мизда ташкил этилаётган «Фью-черс» ва «Челенжер» турнирла-рида ёш спортчиларимиз ўз ма-

босқич — нимчорак баҳслари 13-15 апрелда, иккинчи бо-сқич — чорак финал 1-3 июнда, учинчи босқич — ярим финал беллашувлари 24-26 август кунлари бўлиб ўтди. Финал учрашувидан иборат тўртинчи босқич эса 26-28 октябрь ку-нлари ўтказилди. Мусобақалар «Дэвис кубоғи» қоидалари асосида ташкил этилди. Би-ринчи бор ўтказилган бу му-собақанинг илк голиби Тош-кент шаҳри жамоаси бўлди.

Бир йўла республиками-зининг барча вилоятларини қам-раб оладиган Ўзбекистон ку-боғи олаблар кенг омма ора-сида теннисни тарғиб қилиш, ёшларимизни соғлом турмуш тарзида ҳаёт кечиришга ун-довчи омил бўлиб қолади. (ЎзА).

Сўранг, жавоб берамиз

Фўқаролик ҳолатини қайд этиш нима учун зарур?

М. Ризаева

Фўқаронинг туғилганлиги ҳолати қайд этилмаган бўлса, унинг ўлимини қайд этиш бўлмасми? Агар вафот этганлик ҳолати қайд этилмаса, марҳу-минг вотибис унинг меросини олиш ҳуқуқига қандай эга бўла олади? Ёки бошқа ҳолатини олиб кўрсак, биринчи никоҳни бекор қилмасдан туриб, иккинчи марта никоҳга кириш мумкинми?

Туғилганлик тўғрисида бўлмаган бола: у қандай ҳуқуқларга эга бўлиши мумкин? Демак, Қонунда фўқаролик ҳолати ақллари давлат томонидан қайд қилиб рўйхатга олиш, бу фўқароларнинг шахсий, мулкӣ ва шахсий қонуний ҳуқуқларини ҳимоя қилиш мақсадини кўзлайди, деб белгилан қўйилган.

Айтиш керакки, фўқаролик ҳолатлари ақллари қайд қилиш фақат фўқароларнинг манфаатлариниғина кўзлаб қолмай, балки давлат манфа-атларини ҳам ҳимоя қилишни мақсад қилиб қўяди.

Уч йили қизим туман ноғирон. Унинг соғлиғи учун ҳаммаши шифокор-лар билан суҳбатлашиб туришга тўғри келади. Ноғирон қизим учун имтиёзли равишда телефон ўрнатсам бўладими?

М. Носирова

Телефон тўловлари тўғрисидаги йўриқномага асосан, хонадонда исти-қомат қилувчи 1-гuruh ноғиронлари учун 50 фоиз миқдорда имтиёз бў-лан телефон ўрнатиш мумкин. Агарда қизингиз 1-гuruh ноғирони бўл-са, шу тўғрисидаги тегишли ҳужжатларини олиб, ариза билан туман телефон станциясига мурожаат қилишингиз лозим.

Синглимнинг вафотидан сўнг унинг бир фарзандини ўз тарбиямга олган эдим. Лекин васийлик ва ҳомийлик органининг ҳодимлари уйимга кўнра келишмоқда. Шу тўғрисида?

М. Соҳидова

Бизнингч, васийлик ва ҳомийлик органи вакиллари ўз вазифаларини бажаришга тўғри. Чунки улар бирор оилага тарбиялаш учун берилган бола-нинг ёки болаларини яшати, шарт-шароитлари ва уларнинг қандай тар-бияланаётганлигини кузатиб боришга ҳақлиқлар. Агар бу орган ва-кили ўзга мақсадларга келаётган бўлса, унда бу ҳақда васийлик ва ҳомий-лик органини хабардор этишингиз керак.

Яқинда ишхонада бўлиб ўтган воқеа мени ўйланттириб қўйди. Бир ҳам-касбимиз тўсатдан хушини йўқотиб, ўзини билмай қолди. 5-6 та ҳодим нима қилишимиз билмай қолдик. «Тез ёрдам» машинаси келгани ҳеч қандай ёрдам беролмадик. Айтишчи, шундай вақтларда биринчи ёрдам сифатида нима иш қилишимиз мумкин эди?

О. Пулатов

Бош миаянинг қон билан етарли таъминланмаслиги натижасида тўсат-дан хушини йўқотиш сабаби қаттиқ толиққан, ўта кўзгалувчан қишларда учраб туради. Бунга сабаб, қаттиқ оғриқ, руҳий ҳаяжон, дим хонада ҳаво етишмаслиги сабаб бўлиши мумкин.

Шифокор этиб келгунча илк ёрдамни бемор бошини пастга қилиб, оёқ томонини юқори қўйишдан бошлаш керак. Бундан миная қон бориши осонлашади. Деразани очин, беморнинг ёқаси ва камарини бўшатин, лозимга муздек сув сепин, имкони бўлса новпадид спирти қишлоғини керак. Бемор хушига келгач, унга аччиқ чой ёки кофе ичириш, шифокор кел-гунча ўрнидан турғазмаслик лозим.

Ҳурматли ҳамшаҳарлар! Ўзингизни қизиқтирган масалалар юзасидан 132-11-39 телефонига қўнғирок қилсангиз малакали мутахассислар ёрдамида саволларингизга батафсил жавоб беришга ҳаракат қиламиз.

Бразилиялик спортчи буви

Бразилиядаги Порту-Але-гри шаҳрида кўпала аёллар мунтазам стол тенниси билан шугулланишади. Бу ерда ҳар йили спортнинг бу тури бўйи-ча шаҳар биринчилиги ўткази-лади. Навбатдаги беллашувда 88 ёшли Эльвира Рамирас шаҳар чемпиони унвонига са-зовор бўлди. Ғолибининг 14 қариндоши, шу жумладан, икки эвараси мусобақа давомида уни кўллаб-қувватлаб туриш-ди.

Кўшлар нимадан кўрқашади?

Кўшларнинг «хужуми» ту-файли кўллаб самолётлар иш-дан чиқади. Баъзан эса бутун-лай ҳалокатга учрайди. Ҳар йили Япониянинг ҳаво йўлла-рида 60 га яқин самолётнинг қушлар билан тўқнашуви рўйхатга олинади. Бундан қўрилган зарар эса ўнлаб мил-лион иенларни ташкил қила-ди.

Япониянинг АНА авиакомпа-ниясини мутахассислари қушлар ҳар қандай катта кўздан кўрқашларини аниқлашди. Самолёт турбиналари ўртаси-га баҳайбат кўз расмини чи-зишиди ва шундан кейин қуш-лар билан тўқнашув 20 фоизга қисқарган. Ҳозир бундай кўзлар авиакомпания паркида-ги «Боинг-747», «Боинг-767» лайнерларини беэаб турибди.

Уйда чиқинди заводи

Англиялик Билл Смит ихчам машина ихтиро қилди. Бу «Пак-мастер» деб номланган маши-нада ҳатто турли уй-рўзгор чиқиндиларини пресслаш, ҳатто шиша идишларни ҳам майдалаш мумкин. Мўҳими, у электр қувватида ишлайди. Унинг катталиги музлатгичдек келади.

Елим фақат гишт учун

Голландиялик мутахассис-лар энди гишт учун ҳам елим ишлаб чиқаришни йўлга қўйдилар. У гиштни цементга нисбатан жуда мустаҳкам уш-лайди. Натижада девор ўта му-стаҳкам бўлиб, гишт терувчи-ларнинг иши эса янада энгил-лашади, яъни одатдаги гишт теришда цемент қоршича қат-лами 1 сантиметрдан кам бўлмасди, бироқ анғор исулда эса елимнинг қалинлиги ати-ги 2 миллиметр бўлса бас.

Сув остида омбор

Япониядаги Сива кўли йил давомида ҳарорати ўзгармас муздек суви билан машғурдир. Мутахассислар кўл тубида гуруч сақлаш учун омбор қуришга қарор қилишди. Уларнинг фик-рича, пластик қопларга солин-ган гуруч кўл тубида уч йилгача бузилмай сақланар экан.

Бири бирдан қизик

Америкалик олимлар беш юзта операцияни ва ҳар қан-дай гулли нақшни тика ола-диган электрон тикув машина-сини яратдилар.

Лекин энг ажойиб машина-ни испанияликлар ишлаб чи-қаришган. У дастурдан сал бўлса-да ангилишчи, овоз чи-қариб хабар беради. Бу маши-на янги тикилаётган материал-даги ҳар бир жараёни эслаб қолади ва керак бўлса улар-ни айтиб беради.

Муҳаббат ХАБИУЛЛАЕВА тайёрлади.

Шарқ дурдоналари

Оз-оз ўйганиб домо бўлур...

● Инсон қўлга киритган ўлжаларидан энг хайрлиси — самимий дўстдир.

● Дўст ўз дўстини зиёрат қилиши кўп иллатларга давдир.

● Ҳамма ватандошларнинг бир-бирлари билан дўстона муносабатлари ватаннинг тараққиётига сабабчи бўлади.

● Уч нарса дўстликни мустаҳкамлайди: дўстларнинг бир-бирларини зиёрат қилиб туришлари, самимий суҳбатлашишлари ва биргалашиб сайру саёҳат қилишлари.

● Байналмилал тарбия миллатлар орасига дўстлик уруғини сочади, ватандошларнинг бир-бирларига бўлган меҳр-мухаббатларини оширади.

● Икки дўстнинг аҳд-паймонда, меҳру вафода барқарор бўлишлари самимий дўстлик нишонасидир.

● Алишер Навоий айтди:

Айласалар икки тарафдин вафо,

Этгай алар ҳолига анча сафо.

● Сукрот ҳақим айтди:

— Дўстингга йўлиққан вақтингда қулиб, очик юз билан қуриш, яхши сўз билан унинг кўнглини кўтар. Дўстликнинг бошланиши — мадҳ-сано биландир.

● Бир ҳинд донишманди айтди:

— Дўстлик аломати мана шундай бўлади: дўстнинг дўстига, душманига душман бўлсин, душманингни дўст тутган киши сени дўст тутмайди.

● Араб фозилларидан Асмаий айтди:

— Мен бир куни дўстимни кўргани бордим. Дўстим бир киши сифарлик палосни солиб ўтирган экан. Мени ҳам палосда ўтиришга таклиф қилди. Мен:

— Палос ўзингга торлик қилиб турибди, яна мени палосда ўтиришга таклиф қиласан? — деган эдим, у айтди:

— Икки душман бутун ер юзига сиймайди, аммо икки дўст бир қарич ерга ҳам сийа олади.

● Исҳоқ Мусилий деган фозил кунлардан бир куни пулга муҳтож бўлиб, дўстидан пул қарз олиш учун унинг уйига борди. Дўсти уйда йўқ эди. Уйда фақат дўстининг канизаги қолганди. Исҳоқ Мусилий канизани қақариб:

— Менга биров пул керак бўлиб қолди, хожангнинг ҳамёнини олиб кел, — деди. Канизак хожасининг ҳамёнини келтириб берди. Исҳоқ Мусилий дўстининг ҳамёнидан ўн сўмни олиб, чиқиб кетди.

Бироздан кейин Исҳоқнинг дўсти уйга келгач, канизак хожасига:

— Сизнинг дўстингиз келиб биров пул сўради, ҳамёнингизни олиб чиқиб беришимни ўттинди. Мен у кишининг самимий дўстингиз бўлганини билардим. Шунинг учун ҳамёнингизни чиқариб бердим. У ўн сўм пул олиб, чиқиб кетди. Ҳамёнингизни сиздан берухсат олиб чиқиб берганим учун айбиман. Айбимни кечирасиз, деб умид этаман, — деб узр айтди.

Хожаси севиниб:

— Раҳмат сенга, менинг уйда йўқлигимни билдирмабсан, самимий дўстимнинг ҳолати раво бўлибди, шу қилган ишинг учун сени овоз қилдим, — деб канизакдан кўп миннатдор бўлди. Мана шундай бўлади ҳақиқий дўстлар! Байт:

Кор мардонларни ҳўб андеша қил,

То тириксан яхши ишни пеша қил.

● Ҳа манфаатларини қўзлаб дўстлик изҳор қилувчилардан йироқ бўлиш лозим.

● Қалбаки дўстлар — айб излагувчи жосуслардир. Уларнинг қалбларини текшириб қарасанг, душманликдан бошқа нарсга топа олмайсан.

● Бир мўътабар одамдан:

— Айтингчи, сизнинг қанча дўстингиз бор? — деб сўрадилар. У айтди:

— Ҳозир бахт-иқболим камолга эришган. Молу давлатимнинг ошган замонидир. Дўстларим ҳам жуда кўп, қанча дўстим борлигини ҳозирча айтолмайман. Ким билади, мабодо бахт-иқбол мендан оз ўгириб, муҳтожликда қолсам, у чоғда қанча дўстим борлигини сизларга айтиб бераман, ўша вақтда қолган самимий дўстларимни сизларга номма-ном айтиб беришим мумкин бўлади. Байт:

Ҳамма ёринг эрурлар неъматингда,

Ҳамма ходим эрурлар давлатингда,

Агар давлат кетар, сендан қочарлар,

Зиёнлар эшигин сенга очарлар.

Германия диёрида ўзбек китоблари намойиши

Мустақиллик туфайли юртимиз жаҳондаги жуда кўплаб мамлакатлар билан турли соҳаларда кенг ҳамкорлик қилиб келмоқда. Айниқса, Германия билан иқтисодий, сийсий, маданий-маърифий алоқаларимиз йилдан йилга тобора ривожланиб бораётди. Яқинда шу йилнинг 10-15 октябрь кунлари Олмониянинг Франкфурт-Майн шаҳрида 53-чи аънавий халқаро китоб ярмаркаси бўлиб ўтди. Ушбу халқаро китоб байрамида дунёнинг 110 мамлакатдан 7 минг 65 та нашриёт ўз китоб маҳсулотлари билан иштирок этди. Хар йили ўтказиб келинаётган ушбу китоб байрамининг ўзига хослиги шундаки, бу галги ярмаркада республикамиз нашриётлари ҳам фаол қатнашдилар. Ўзбекистон нашриётларида чоп этилган китоблар биратўла уч павильонда намойиш этилди. Республикамиз нашриётларининг 200 дан ортиқ номдаги маҳсулотларини бу йил «Маънавият» ва Тошкент Ислон университети нашриётлари вакиллари тақдим этдилар.

— Мустақил республикамиз нашриётлари китобларига бағишланган павильонларга таширф буюрган ноширлар, матбаачилар ва меҳмонлар, — дейди китоб байрамида


катнашиб келган «Маънавият» нашриёти директори Суннат Аҳмедов муҳбиримиз билан суҳбатда. — Ватанимиз, ўлкамиз халқлари тарихи, маданияти ва санъати оид китобларга катта қизиқиш билдиришди. Айниқса, мустақиллигимизнинг ўн йили мобайнида эришган ютуқларимиз ҳақида ҳикоя қилувчи, матбаачиликнинг жаҳон андозалари асосида яратилган «Ўзбекистон» фотоальбому («Ўзбекистон» нашриёти), Куръони каримнинг ўзбекча янги наشري (Тошкент Ислон университети нашриёти), Авлоний, Бехбудий, Фитрат каби алломаларимизнинг танланган асарлари («Маънавият» нашриёти), «Буюк Ипақ йўли» («Ўзбекистон Миллий энциклопедияси» нашриёти) сингари ва бошқа жуда кўплаб китоблар уларнинг диққатини тортди.

Халқаро китоб ярмаркаси ўзбек ноширлари учун ҳам тажриба алмашиш, ҳам иқтисодий алоқалар учун фойдали тадбир бўлди. Анжуман давомида улар Франкфуртдаги «Societats-Verlag» ва бошқа кўпгина нашриётлар жамоалари билан келгусида ўзаро фойдали ҳамкорлик қилиш ўзасидан келишиб олдилар.

Мирзаали АКБАРОВ

БЎШ ВАКТИНГИЗДА

Бошқотирма



Азиз оқшомхон! Эътиборингизга хавола этилаётган куйдаги машқда мусулмон оламининг чаҳорёрларидан бири Ҳазрат Али меросига мансуб учта ҳикматни яширинган.

Биринчи бўлиб ҳал этиладиган жумбоқ шаклининг ўрта қисмидаги катарларда ифода этилган. Куйдаги таърифлари баён этилган сўзларни топиб, рақамли хондан бошлаб чизик бўйича нақтали хоналарга, сўнгги харфин йўналиш кўрсаткичи каттакча ёзинг.

1. Халқ оғзаки иҳоди тури. 2. Сувқ бўлишидаги ёғ, молда. 3. Мақролдан: «Ғал билгунча, ... бил». 4. Дон тўйишда ишлатиладиган рўзгор буюми. 5. Турли мақсадларда фойдаланиладиган асбоб, анжом. 6. Гўл тикиш усули. 7. Япроқни ўсимлик тўлига бириктирувчи қисм. 8. Бадиий тўқимачилик буюми тури. 9. Пазандалик анжони. 10. Думалоқ шаклдаги геометрик жисм.

Энди ёзилган харфларни шакл-

нинг энига йўналишида қаторлар бўйича ўқиш билан ҳикматни билиб олинг.

Муаммонома

Очқич сўзлар: 1. Чўлпоннинг «Кеча ва кундуз» романи қаҳрамони — 14, 13, 8, 5.

2. Туйилган дондан пиширилган таом — 6, 19, 18, 3.

3. «Фарход ва Ширин» мусикали драмаси муаллифи, драматургиямиз асосчиларидан бири — шoir, ёзувчи, таржомон ва режиссёр — 16, 9, 7, 17, 5, 2.

4. Италиянинг машҳур футбол командаси — 11, 5, 10, 3, 4.

5. Тоғликдаги тик чўққи — 12, 1, 15.

Очқич жавоблари асосида шакл атрофидаги рақамларни тааллуқли харфлар билан алмаштириб муаммоноmani ҳал этинг. Улардан яна икки ҳикматни билиб олишга муваффақ бўласиз.

Тузувчи Фозилжон ОРИПОВ

Газетанинг шу йил 26 октябрда берилган бошқотирманинг жавоблари:

1. Эртак. 2. Илик. 3. Иш. 4. Ўғир. 5. Буюм. 6. Ироқи. 7. Банд. 8. Кашта. 9. Това. 10. Шар.

Ҳикмат: Эр киши тўғрилиқ билан буюк макомларга эришади.

Муаммонома

Очқич сўзлар: 1. Зеби. 2. Хумдон. 3. Қоя. 4. Шоли. 5. Ғужа.

Ҳикматлар: Яхши хулқ нақд ўлжадир.

Одамнинг беъағи одобдур.

● Ҳамза тумани ИИБ ходимлари томонидан яна бир фарибгар фаолиятига чек қўйилди. Шу туманда яшовчи М.М. исмли шахс, «чет элга кетишга ёрдам қилган» деб фуқаро Б. Тўхтабоевдан 1000 АҚШ долларини алдаб олиб, анча вақт қочиб юрган. Аммо қўрилган чора-тадбирлардан сўнг, фарибгар қилимшидан пушаймон бўлди.

● Чорсу ларинда ота-ўғил А.Р. ва А.Р. ларнинг ўйланган қалтис режалари панд бериб қўйди. Улар гуруҳ бозорига хоразмлик тадбиркор З. Нурметованинг 1.071.450 сўмлик «Элита» навли гуруччини олиб, на гуручнинг ўзини, на унинг пулини қайтариб бермай, турли баҳоналар билан фариб ишлатиб, ўз фойдаларига сарфлаб юборганлар. Воқеани синчковлик билан ўрганиб чиққан милиция ходимлари, айбдорларнинг қилимшиларини фош этиб, уларни тергов идораларига жўнаштиди.

● Чилонзор туманида эса 2 дона автобус гилдираги деб бир фарибгар ўз қилимшидан энди афсус чекиб ўтирибди. Келеслик ҳеч қаерда ишламайдиган Б.Ш. исмли шахс, фуқаро Г. Ишановага тегишли «МАН» русумли автобуснинг гилдирақларини «устахонага олиб бораман» деб олиб, қочиб қолди. Тезкор чора кўрган милиция ходимлари бу жиноятни ҳам очига эришдилар.

● Фуқаро А. Норматов ўзининг «Москвич-2140» русумли автоуловидан аккумулятори, 20 минг сўм пули ва паспорти ўғирланганини сезгач, бу тўғрида дарҳол милицияга хабар қилди. Юнусобод тумани ИИБ ходимларининг кўрган чора-тадбирларидан сўнг жиноятчи аниқланди. У ҳеч қаерда ишламайдиган, шу туманда яшовчи Н.А. бўлиб, далилий ашёлар билан икки ишлар бўлимига келтирилди.

● Хонадонда ҳеч ким қолмагани ва эшикнинг очик қолдирилганини зимдан кузатиб турган, ҳеч қаерда ишламайдиган Н.Р. фурсатдан унумли фойдаланиш пайига тушди. У уй эгалари пайдо бўлгунча қадавр, тезлик билан «Орск» музлатгичи, 2 дона палос ва бошқа буюмларни ўмариб кетди. Яккасарой тумани ИИБ навбатчи қисмига фуқаро М. Салимова хонадонда ўғрилиқ содир этилганини тўғрисида хабар тушган, тезкор гуруҳ харакавлари натижасида ўғри тезда қўлга олинди.

● Автобус бекатида турган мирободлик фуқаро Ф. Иномовга бир номаъули шахс куч ишлатиб, сумкаси ва курткасини тортиб олиб қочиб кетди. Воқеа жойига етиб келган милиция ходимлари тезкор чора-тадбирлар кўришиб, бу талончи С.К. эканлигини аниқладилар. Жиноятчи далилий ашёлар билан Ички ишлар бўлимига келтирилди.

● Миробод тумани ИИБ ходимлари томонидан талончилик жиноятини содир этган А.К. исмли йигит қўлга олинди. У фуқаро Н. Гусевага нисбатан куч ишлатиб, унинг 10 минг сўм пулини тортиб олиб, қочиб кетаётганда ушланди. Аввал ҳам судланди, тавбасига таянмаган, ҳеч қаерда ишламайдиган талончини яна қонуний жазо қутиб турибди.

Самариддин ХАЛИЛОВ,

Тошкент шаҳар ИИББ

Матбуот марказининг

жамоатчи мухбири.



Муассиси:
Тошкент шаҳар
ҳодимлиги

Бош муҳаррир Акмал АҚРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;
эълонлар:
133-28-35, 132-11-39;
факс: (3712) 133-29-09.

Ҳажми — 2 босма табоқ офсет
усулида босилади.
2668 нускада босилади. Қўғоғи биринчи А-2

Душанба, чоршанба

ва жума

кунлари чиқади.

Нашр кўрсаткичи — 209

Газета Ўзбекистон Давлат

матбуот қўмитасида

10-рақам билан рўйхатга олинган

Нашрига етказиб бериш масалалари бўйича турар жойлардаги почта бўлимларига ёки «Тошкент почтамати»га — 133-74-05 телефонига мурожаат қилишнинг мумкин.

Газета «Тошкент оқшоми»нинг компьютер марказида терилиб ва саҳифаланди.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41-уй.